

Brinckman, John: Hurrischen Hinzefœhling (1842)

- 1 Hurrischen Hinzefœhling,
- 2 wat büst du schier un glatt!
- 3 Dor waßt woll schönen Klewer
- 4 hier in de Koppel, wat?

- 5 Hurrischen Hinzefœhling,
- 6 wur dull sleihst achter ut,
- 7 wat büst so krœensch un wählig!
- 8 Du dröppst noch gor min Snut.

- 9 Hurrischen Hinzefœhling,
- 10 du springst so dull un blind
- 11 jo œwer Schleet un Graben furt
- 12 so lichtung as de Wind.

- 13 Hurrischen Hinzefœhling,
- 14 man sacht, wu bald, wu bald,
- 15 süh, denn kümmt Harwst un Winter,
- 16 süh, denn warst up du staltt.

- 17 Denn kamt se mit de Ägen,
- 18 denn kamens mit den Plog,
- 19 mit Pitsch un Tom un Sälen,
- 20 denn warst du fram genug.

- 21 Denn mößt du düchtig slawen,
- 22 denn giff't'n sträken Fatt,
- 23 denn kamen Gall un Schiebel,
- 24 denn kamen Kropp un Spatt.